

醫學探驪集卷三目錄

諸中門

中風

中氣

中暑

中火

中惡

諸傷門

傷寒用藥分野論

寒盛則生熱解

溫病熱病解

傷寒初病

傷寒傳經

傷寒傳經多日

傷寒衄血

傷寒咳嗽

傷寒咽痛

傷寒胸脇痛

傷寒自汗

風寒兩感

傷寒嘔逆

傷寒中滿



傷寒泄瀉

傷寒下痢

傷寒癰疹

傷寒癰疹後不解

傷寒發狂

傷寒後咳嗽

老年傷寒

年老傷寒腹痛

傷寒瘀熱

傷寒勞復

傷寒食復

傷暑

傷風



南京中医药大学图书馆版权所有

醫學探驪集卷三

直隸永平遷安宿卿康應辰著

子常汪太守
香園劉文滋
同校閱

諸中門

中風

凡人無論老少無故卒然昏倒口目緊閉鼻息微細手足不能動轉謂之中風診視其脈浮緩者固是吉兆若痰盛則滑火盛必數所最忌者強直耳當此之時止要有脈須用鋒針刺其手十二井或手十宣去其惡血再刺人中承漿頰車攢竹出血少頃其口目漸開手足微溫則無礙矣

手十二井穴 少商 商陽 中衝 關衝 少衝 少澤 手十宣 人中 承漿

頰車攢竹

以此數針放血蓋原手十指端乃經絡盡處極其曲折痰氣易滯於此以鋒針出血使痰氣隨血而出則正氣立即達於指端古人一遇此症即用通關散吹鼻謂有嚏可治無嚏不



北京中醫藥大學圖書館藏

治惟醫家不可不預此藥如無此藥或蟾酥錠或卧龍丹或八寶紅靈丹均可吹用有嚏無嚏此症非針不能起死回生保其十全凡此數針人人皆可學之以備救急不必專是醫家也

通關散方

猪牙皂

錢五

細辛

分五

研極細麪入瓶中備用

蟾酥錠

卧龍丹

八寶紅靈丹

此三種藥不載藥味藥肆中家家有之

中氣

凡人與人爭鬪忽然暈倒口目緊閉不省人事此為中氣如此之症手足厥逆者多診視其脈無論是何體壯治法如前

中暑

凡人當炎熱之際忽然暈倒口目緊閉不省人事其脈虛大而軟此為中暑但遇此症亦必須如前法放血後再將病人安於靜室之內令其仰卧用乾土將病人臍之上下左右圍一土圈用童男溺一碗趁熱灌於土圈內稍緩一時其人可漸愈矣

中火

凡人內中有火積而未發忽然暈倒口目緊閉不省人事診視其脈急數此為中火蓋原內火既盛四肢之炭氣又盛火氣與炭氣交爭正氣不能支持故有此症倘遇此症其手足不能厥逆熱且加倍雖不厥逆亦必須如前法治之更刺尺澤出血洩其上焦之熱蓋放其炭氣其火氣亦因之而散則手足轉溫而人愈矣

尺澤

中惡

凡人或入枯井或入山洞或入陳久之冷室忽然暈倒口目緊閉不省人事此為中惡蓋因其中生氣陳久積為敗壞之氣其人正氣不能相敵故有此症若遇此症是正氣為敗氣所傷祇要微許有脈不必放其十二井或十宣出血惟於人中承漿頰車攢竹放血開其牙關眼竅再以通關散吹鼻將病人安於靜室之中再用鮮薑數片煮湯灌之俟其稍甦再服調中益胃湯二劑以扶元氣則愈矣凡諸中大半皆是五內不足勉強支持一有感觸則立見諸症統諸急症若喉中頑痰作聲為脾氣已絕乃極惡之候業醫者雖宜濟世活人然亦不可貪功宜審其脈象察其形症斟酌主治可也



人中承漿頰車攢竹

調中益胃湯方

人參二錢 明党代之後做此

蒼朮四錢 炒

熟地四錢

白芍三錢 酒炒

草朮二錢

黃耆三錢 蜜炙

陳皮三錢

茯苓三錢

甘草一錢

薑三片水煎服

方歌

劉文滋後做此

調中益胃參蒼朮地芍茯苓甘草宜再入陳皮并草朮驅邪扶正莫稍遲

詳註

劉文滋後做此

此方以人參為君扶其元氣佐以黃芪熟地氣血雙補蒼朮草朮能驅敗氣而扶正氣陳皮茯苓調其中氣白芍斂陰甘草和中細審此方似乎平庸然與正氣被傷之人服之不寒不燥最為穩妥

諸傷門

傷寒用藥分野論

傷寒一症為百病之首仲師傷寒論又為百代醫書之祖精微奧妙無意不搜使人讀之



南京中醫藥大學圖書館藏

肅然起敬。故後世雖有諸名家。不過僅能詳註。無敢議其後者。誠以人之一身。不能容纖微之邪。其傳變之速。有令人不能防者。所以後人有走馬看傷寒之嘆。但是名論極精。醫家務須熟讀。庶臨症不至誤事。惟所立方藥。分兩過重。往往使後人不敢依從。蓋有藥以宜古不宜今之差。方有宜北不宜南之異也。凡醫家必須先明分野。北地風寒。感人之腠理雖密。每多感寒冒風。南地暑濕。感人之脾胃雖強。每多傷濕受暑。如北人至南方。過一夏令。則當依南人主治。南人居北地。過一冬令。又當照北人主治。此即醫家當明之分野也。發表一門。惟專以麻黃為君藥。其他佐使之藥。則因病勢而加減之。如麻黃雖為君藥。則又因地勢以為加減。試以邊關一代寒暑線論。則麻黃以三錢為君。其人偶感寒邪。肌體強壯。腠理堅固。用之百無一失。以邊關往南去一千里。次第減之。將麻黃可去而不用。以邊關往北去五百里。須次第而加麻黃一錢。亦無妨碍。醫者由此可以類推。至夏不用麻黃之說。乃坐井之談。萬不可從。

寒盛則生熱解

醫經黃帝問曰。人傷於寒。而傳為熱。何也。岐伯答曰。夫寒盛則生熱也。岐伯此答。意雖該

而言實簡也。故後人往往疑之。以為人既傷寒。熱從何來。醫家因何又用涼劑。問。蓋竊為解之。蓋人之一身。專賴陰陽二電流通。以生陰電。隨營血而行。醫家稱為元陰。陽電隨衛氣而行。醫家稱為元陽。各有部位。一絲不容紊亂。人若腠理不密。外衛之元陽稍有空隙。寒邪即乘虛而入。外衛之元陽為寒邪所迫。遂陷入營血。元陰部位。外衛之元陽既內陷。則惡寒。營血既為元陽所乘。則發熱。形體強壯。其傳熱則緩。形體虛弱。其傳熱則速。陰陽既已錯亂。內外熱勢沸騰。此自己之元陽傷自己之元陰。是以傷寒反熱也。此則岐伯所謂寒盛入於衛部。元陽遂陷於營部。營血為元陽所乘。故而生熱也。若於此時。或用針或用藥。將其寒邪散去。使其營衛復能各還其位。則脈靜而身安矣。

溫病熱病解

內經云。先夏至為病溫。後夏至為病熱。後人附會其說。謂冬感於寒。春令發之。則為溫病。夏令發之。則為熱病。夫人之一身。血氣流通。毫無滯碍。頃刻即週一身。焉有冬令所感之寒邪。客在身之某處。必俟春令夏令。方才發出之理。人之筋骨肌肉。某處受寒。則某處之筋骨肌肉。痠重。此寒痺之類是也。人若於春令感寒。傳經稱為溫病者。蓋謂天氣溫煖。而

病傷寒也。於夏令感寒傳經稱為熱病者。蓋謂天氣炎熱而病傷寒也。究之皆傷寒也。雖異其名而不異其實。如張錫駒註傷寒論霍亂篇云。夏月無傷寒。乃公必南人也。此言萬不可從。蓋北地雖夏月亦不免傷寒之症。雖至前為溫。至後為熱。而治法則仍依傷寒論治之。萬無一失。

傷寒初病

凡人初感寒邪。腿膝無力。頭痛發熱惡寒。其脈象浮洪而緊。亦有不緊者。人迎倍於氣口。浮者寒在表也。洪者元陽內陷也。緊者寒邪見諸脈象也。人迎主表。氣口主裏。寒邪尚在表部。故人迎倍於氣口。前已言過。偶感寒邪之脈如一縷清溪。忽然雜以他流之水。有急迫兩不相容之勢。此等之脈最易辨認。宜服加減麻黃湯。傷寒論云。太陽病脈浮緊發熱身無汗。自衄者愈。以此見寒傷血。寒邪可隨血出而愈。若藥肆太遠。沽買不及。用鋒針刺尺澤委中出血。再刺二太陽穴。各五分深。用火罐拔之。出血有三四點鐘。其人有嚏。身見微汗。亦可勿藥有喜矣。○凡治傷寒一症。無論如何傳變。總以散表邪為先。蓋表邪不退。內熱為表邪拘滯。雖清其熱。終為無益。立方當急力散其表邪。佐以清內熱之藥。前已言



之。若以無關緊要之方。使病人服如不服。其病氣與正氣交戰。病氣日盛。正氣日衰。變壞症。以致莫救。業醫者子細思之。其誰之咎歟。惟於臨症時。診其脈象洪盛。不論幾日。依然發熱惡寒。此表邪未退之明證也。倘脈象有力。是根蒂尚固。仍宜發之。其表邪退。內熱則易清。庶幾可保十全。治此一症。外感未退。急宜散。內熱不除。則宜清。任君讀破萬卷書。不外散表邪。清裏熱六字。

尺澤 委中 太陽 即童子醪

加減麻黃湯方

麻黃 錢三

桂枝 錢二

蘇葉 錢三

黃芩 錢三 洗

芥穗 錢三

滑石 錢四

豆豉 錢四

木通 錢三

甘草 錢一

葱頭一箇為引水煎服

方歌

加減麻黃湯 用桂枝。水通甘草豉。葱隨黃芩滑石兼。蘇芥初感寒邪服最宜。

詳註

此方以麻黃為發汗之君藥。佐以蘇葉芥穗清揚之品。發頭部之汗。佐以桂枝葱豉溫散。

之品發四肢之汗。酒苓能清血中之熱。滑石能清六腑之熱。木通清心火通小腸。能引熱從小便出。較之大黃利大腸。最為柔和。甘草能和中氣。則汗出而病愈矣。

傷寒傳經

傷寒至二三日不解。其人頭痛身熱惡寒。內外俱熱。脈象浮洪而數。人迎與氣口相等。雖已傳經。而表邪尚在。宜服加減麻黃湯。再加山甲皂刺各三錢。仍發其汗。今人用山甲皂刺。僅為發散癰瘍之用。不能詳察藥力之分數。故雖以有用之藥。往往置之無用之地。夫甲能直達病所。為使藥之猛將。皂刺為開腠理之強兵。此二藥佐麻黃發表。乃能敵之先鋒。如法用之。則汗出而外感自除。倘內稍積熱。再服清涼飲一二劑。內熱清而人大愈矣。

加減麻黃湯

見前

加山甲

三錢

皂刺

三錢

元酒一盅水二盅煎溫服

清涼飲方

大熟地

錢四

黃芩

錢四

梔子

錢三

滑石

錢三

廣陳皮

錢二

黃柏

錢三

木通

錢三

茯苓

錢三

甘草

錢一

水煎不引溫服

方歌

清涼飲用地黃苓梔柏木通滑石尋益胃陳苓能降濁煎加甘草自清心

詳註

此方服於汗後外感已解內熱尚存脈象微數而不浮洪以梔子清上焦之熱黃柏清下焦之熱黃苓清血中之熱滑石清六腑之熱木通引諸熱從小便出熟地滋陰陳皮茯苓甘草能升清降濁通達胃氣熱鬱去則脈象安內外和而飲食進人雖稍弱可保萬全矣

傷寒傳經多日

人感寒邪或四五日或五六日依然頭痛身熱惡寒其脈象人迎與氣口相等俱浮洪而數數極或七至八至此原病人不能服藥或因不易延醫或延醫診治用發表之劑過輕以至如此宜刺期門二穴留五點鐘時亦可得汗蓋期門屬足厥陰肝經為十二經之終穴中府屬手太陰肺經為十二經之始穴由期門再達中府十二經絡週而復始倘不取期門針之多行瀉法恐其再為傳變更覺費手如病人不欲行針服加減大青龍湯亦可得大汗而解服後外感雖退內熱未清再服清涼飲一二劑即安

期門

清涼飲方 見前

加減大青龍湯方

麻黃

錢三

桂枝

錢三

荊芥穗

錢三

山甲片

錢二

連翹

錢三

煅石膏

錢四

淡豆豉

錢四

葛根

錢六

皂刺

錢三

黃芩

錢四

木通

錢三

甘草

錢二

元酒一盅水二盅煎服

方歌

加減大青龍湯 桂葛先麻黃 芥皂豆芩全 石膏山甲木通入 甘草連翹酒水煎

詳註

此方仍以麻黃為君。佐芥穗發頭部之汗。佐桂枝連翹豆豉發週身四肢之汗。佐葛根發肌肉之汗。用山甲皂刺為諸處引路之兵。石膏甘寒清內熱解肌表。黃芩清血中之熱。木通能引熱從小便出。甘草調和諸藥。業醫者察其脈象如有根蒂。宜先以此方投之。

傷寒衄血

仲師傷寒論云。傷寒衄血不藥自愈。倘所感寒邪過輕未衄之先。其脈象浮洪。既衄之後。



南京中醫藥大學圖書館藏

其脈象漸漸安靜。此可以不藥而愈之症也。若衄血之後。脈象依然浮洪而數。是寒邪仍在表分。急宜服發越之藥。散其表邪。不然恐其人愈衄愈弱。久之則難以施治。傷寒論又云。衄家不可發汗。發汗則陰陽俱虛。此衄家非傷寒而衄之衄家。蓋言人染衄血之症。正當衄血虛弱之時。忽感寒邪。是衄血而又傷寒。其脈象必然微細。故云不可發汗。若傷寒衄血。是其寒邪。隨外衛之元陽。傷其營血。其營血被元陽與寒邪所傷。不能安其部位。遂由涕孔而衄出之。此血衄出。非同平常血熱妄行。衄出之血。乃被元陽與寒邪所傷之血。其氣味極腥。若在旁之人。氣體強壯。尚可無妨。若氣體稍弱之人。一聞此血氣味。立即傳染。其得症依然傷寒。衄血愈傳愈多。貽害無窮。醫家一遇傷寒衄血之症。務要細心診視。其脈倘脈象浮洪有力。其外症依然頭痛惡寒發熱。不必急止其血。仍先速發其表。察其所傷寒邪。或一二日。或三四日。或五六月。即於前三發表方中。加藥二味。服後汗出。脈靜。其血即止。其病自愈矣。

傷寒一二日衄血宜服

加減麻黃湯加藕節炭錢五青黛三錢

傷寒三四日衄血宜服

加味加減麻黃湯加前二味

傷寒五六日衄血宜服

此液一到痰核

加減大青龍湯加前二味

俱酒水各半煎服如不飲酒之人可加薑三片或五片或加蔥頭一箇水三盞煎服

傷寒咳嗽

人有傷寒二三日而咳嗽者凡傷風咳嗽者多若傷風之嗽其症輕傷風愈咳嗽亦愈至傷寒而嗽蓋因熱陷於內脾為結熱所困不能健運其痰況痰之為液乃從脾家採取精華而來其精華之極精者化為紫赤二血分布於心肝二臟其渣滓之清者化為涕液分布於涕核其渣滓之濁者化為痰液歸於痰核人既傷寒腹內一團結熱飲食極不易進飲食既然懶進則胃腑空虛水穀甚少其精華既無所出其痰亦無由而化脾又不能健運僅有微許黏液積於痰核此液一到痰核其性急躁則難久留必由嗽而出之故傷寒之嗽往往有聲無痰溯厥由來以其無化痰之物也若遇此症不必急止其嗽依然以發



表為先宜服加味麻黃湯此湯即加減麻黃湯再加藥三味前加減麻黃湯原減麻黃湯之杏仁蓋杏仁水煮去皮微炒其性甚為和平不能為解肌發表之需僅可為清氣豁痰之用故發汗方中以其無力發越故減去之人既傷寒咳嗽以其能清氣豁痰故復將杏仁用來是麻黃湯藥味已全故名加味麻黃湯

加味麻黃湯方

即加減麻黃湯加杏仁錢二

川貝母錢二

皂刺錢三

酒水各半煎服

傷寒咽痛

人有傷寒而即咽痛者此原內有鬱結之火所致細溯致火之由或因事體繁雜憂思百結或因勞倦傷脾真陰不足或因謀望未遂志願徒奢諸如此類不可勝述內既鬱結此火雖積而未發其實中宮之元陽已先失守故外衛之元陽因之不密忽然外感寒邪其外衛之元陽為寒邪所迫遂隨寒邪陷於營血部位於是內外之陰陽錯亂觸動內中所積之火無地自容因上溢於咽喉部位故致一感寒邪頭痛身熱惡寒復覺咽喉作痛夫傷寒二症已為險症又兼之咽喉作痛此則險而又險之症也凡遇此症無論其人畏針與不畏針宜以鋒針刺少商出血再以鋒針刺尺澤紫脈出血再用冰硼散以筆管吹其

咽腫之處後再服犀角清咽飲一劑倘能得出大汗脈靜自安再服加味清涼飲一二劑則無妨矣

少商 尺澤

水礪散 藥肆處處有之

加味清涼飲

清涼飲見前將清涼飲原方加

大海三箇

山豆根三錢

水煎服不引

犀角清咽飲方

真犀角

錢三

桔梗

錢三

梔子

錢四

彭大海三箇

黃連

錢二

山豆根

錢三

皂角刺

錢三

薄荷

錢二

桂枝

錢三

麻黃

錢三

木通

錢三

甘草

錢二

茶葉一捻引水煎服

方歌

犀角清咽飲

桔海連麻黃豆薄荷桂枝全木通皂刺兼梔子甘草煎加疾立痊

詳註

此方除桂枝麻黃二味其餘藥味純是平淡寒涼之品用犀角黃連梔子專清上焦之火大海豆根能止咽喉之痛桔梗茶葉能引藥上行木通能引火下降薄荷皂刺輔桂枝麻

